


16304
ANIMADVERSIONES ~~13518~~
DE
SCIRRHO VENTRICULI
CASUI OBSERVATO IMPLEXAE.

DISSERTATIO INAUGURALIS,
QUAM
CONSENSU ET AUCTORITATE AM-
PLISSIMI MEDICORUM ORDINIS
IN
UNIVERSITATE LITERARUM CAESAREA
DORPATENSI,
UT GRADUM
DOCTORIS MEDICINAE

RITE ASSEQUITUR
CONSCRIPTIS ET PUBLICE DEFENDET
IOANNES SEIDELER,
MOSQUENSIS.

DORPATI LIVONORUM.
TYPIS J. C. SCHUENMANNI,
TYPOGRAPHI ACADEMICI.
MDCCXXXVI.



I M P R I M A T U R

haec dissertatione, ea tamen conditione, ut, simulac typis
fuerit excusa, quinque ejus exempla collegio libris ex-
plorandis constituto tradantur.

Dorpati Liv. d. 29. m. Maii a. 1836.

Dr. P. U. WALTER,
O. m. h. t. Decanus.



461405

Avunculo carissimo

Gustavo Matthia

propter plurima in se collata beneficia

hoc opusculum

pio gratoque animo

D. D. D.

Auctor.

Descends du haut des cieux, auguste vérité,
Repands sur mes écrits ta force et ta clarté.

Voltaire.

P r a e f a t i o .

*Quam multa recentiore tempore de
scirrho ventriculi scripta sunt, tam
pauca de hoc argumento in antiquio-
rum scriptorum libris reperimus. Hippo-
ocrates (1), qui magis symptomata,
quam sedem causasque organicas mor-
borum respexit, hac ex causa etiam
nomine melaenae de scirrho ventriculi
agit. Galenus (2), qui jam magis ad
anatomiam animum advertit, se in-*

terdum verrucam vel sarcoma vidisse refert, quo nutrimentorum transitus impeditus vel interruptus sit. Ab utroque autem scriptore modo laudabilis atrae permultum tribuitur. Deinde etiam in multis scriptis invenimus, a medicis antiquioribus quamvis indurationem nomine scirrhi (a verbo Graeco σκρῆος, durus) significatam, quin etiam multos alias morbos cum hoc statu confusos esse (3). Ubi vero opera immortalia, postea afferenda, quae scripserunt Stoll, Morgagni, Louis, Andral aliique, legitimus, progressus artis medicae in genere studiumque, quo de morbo nostro, scirrho ventriculi, tractatum est, non satis mirari possumus. Ab altera parte tamen proh dolor! confitendum est, studium in arte medica re-

rum veram naturam cognoscendi hucusque semper obstaculum insuperabile in hujus morbi natura offendisse, unde etiam diversae sententiae de scirrho ventriculi, quas infra accuratius perlustrabimus, originem ceperunt. Ex iis, quae modo diximus, facile patet, hucusque perfectam hujus morbi definitionem exhiberi non posse, imo Peyrithe et Richerand affirmant, aequo difficile esse hunc morbum definire, ac sanare, quare cum insanabilis sit, illum etiam definiri non posse, contendi possit.

Quanti momenti autem sit hunc morbum accuratius cognoscere, unusquisque facile intelliget, dummodo secum reputet, eum saepe occurrere, eum saepe medicos se videre credere, ubi revera locum non habeat, eum

saepe praesentem non agnoscit, sequelasque perniciosissimas inde oriri posse. Me autem, ut de hoc morbo dissertationem meam conscriberem, praeципue hoc commovit, quod ipse in instituto clinico Universitatis nostrae, duce Sahmenio, professore clarissimo, ejus observandi occasionem nactus sum, etenim „observatio“ Bagliuvius inquit, „est filum, ad quod dirigi debent medicorum rationes.“

1) De morbis. libr. II sect. 5 pag. 487 edente Foes.
2) Libr. III.

3) Allg. und spec. Pathologie und Therapie. Nach J. L. Schönleins Vorlesungen. Würzburg 1832. 2te Aufl. 3ter Band. S. 407.

Historia morbi.

Gustavus Peterson, olim munere calefacienda rum fornacum in aedibus Universitatis Dorpatensis functus, duodequinquaginta annos natus, robusta corporis constitutione praeditus, ante plures annos vehementi pneumonia laboravit, qui morbus, medico auxilium ferente, extinctus est. Nonnullis annis post, anno 1828, ille denuo inflammatoriis pectoris affectionibus corruptus est, quae cum pluribus aliis symptomatibus, tum etiam tussi, quam exscretio sanguine puro constans comitabatur, se manifestabant, atque larga sanguinis evacuatione per venam sectam, ususque interno remediorum antiphlogisticorum tollebantur. Mense Aprili a. 1828 subito, ita, ut aegrotus nullam afferre posset causam occasionalem, orta est haemoptysis, quam ob rem eodem die venaesectio in pede a medico instituta est. Die duodecimtesimo ejusdem mensis nosocomium Universitatis Dorpatensis adiit, ibique ei locus assignatus est.

Symptomata principalia fuerunt: haemoptysis, congestiones ad caput, per tinacesque alvi

obstructiones, ad quas solvendas $\overline{\text{O}}$ herb. dig. purp. et infus. folior. Seu nae usque ad septimum mense Maji diem adhibebantur, ubi omnia morbi symptomata paulatim evanescabant et hac ex causa remedia ex hoc die usque ad diem duodecimatum Maji nulla praebebantur. Jam vero repente coortus est dolor in scrobiculo cordis, quem, cum ex viu organorum digestio- nis pendere crederetur, digestivo mitigare non sine prospere successu studebant. Per alvi de- jectionem frustum taeniae evacuatum est. Die nono meusis Junii a. 1828 post curam sex heb- domadum sanatus e nosocomio dimissus est.

Usque ad mensem Octobrem a. 1830 aegrotus noster optima valetudine gaudebat, sed hoc tempore e carpento delapsus ita concutiebatur, ut stare vix valeret. Medicus publicus urbis, de Holst, cuius auxilium ille imploravit, quin- decim cucurbitis pectori impositis et remediosis internis praescriptis intra mensem unum affectionibus pectoris casu illo provocatis eum liberauit. Mense Octobri a. 1831 aegrotus noster, cum in munere suo exequendo gravia ouera ipsi portanda essent, denuo doloribus pectoris affectus est, qui, postquam Dr. Faehlmann per mensem aegrotum curavit, desierunt. Mense Junio a. 1833 Struve, auxiliarius in nosocomio, intra mensem unum gonorrhoeam, quam aegrotus noster coitu impuro sibi contraxerat, pipere cubeb. sustulit.

Die tertio mensis Julii a. 1833 aegrotus, nulla causa occasionali manifesta praegressa, subito inter vomitum sed sine tussi haemorrhagiam passus est. Ad tollendos dolores haud

multo post in scrobiculo cordis ortos Struve kali aceticum et calomel. praescripsit, usumque horum remediorum tres menses continuavit.

Mense Januario a. 1834 postquam aegrotus nonnullos petromyzones flaviatiles comedit et dno pocula cerevisiae bibit, ortus est vomitus nec tamen cum haemorrhagia conjunctus; pau- lo post vero dolor in scrobiculo cordis, ex duo- bus mensibus silens, denuo perceptus est, at- que typo periodico non adstrictus continuo du- ravit; intra hoc temporis spatium percessus est iterum haemorrhagiam, quae comitantibus spas- mis in abdomen ac vomitu, deficiente autem tussi, intravit, Struve, aegroto venam secuit, eique pluries: Aq. lauroceras., Extr. ferri po- mati, Magist. Bismuthi, praescripsit; post duos dies sedatus est vomitus, dolor vero in scrobi- culo cordis permansit.

Deinde aegrotus mensè Julis indurationem animadvertit, quae sub scrobiculo cordis tactu percipiebatur et assidue paulatim accrescabat. Die sexto mensis Augusti vomitus vehemens intravit, qui aegrotum adduxit, ut die nono m. Augusti a. 1834 rogaret, ut in numerum aegro- torum in nosocomio Universitatis versantium re- ciperetur. Status ejus jam hic fuit: facies col- lapsa et discolor; oculi languidi profunde in orbitis jacent; musculi faciei saepe, aegroto no- lente, contrahuntur, luculenter etiam appareat linea peculiaris in angulo oris, quae hic, ut solet, vitium viscerum abdominis indicat; cor- pus macrum est; cutis sicca, flaccida, subflava, neque tamen hic color flavus, ut in ictero, a- liquid rubri offert, sed cum colore griseo com-

mixtus, color sordide flavus est; musculi laxi sunt; structura ossium robusta (*sinistrorum*) et exculta. Per explorationem externam in regione epigastrica sinistrum versus tumor durus et circumscriptus animadvertisit, qui in diversis aegroti siibus paululum modo locum suum mutat, totum scrobiculum cordis occupat. Pressio tumoris etsi levior dolores excitat, qui alioquin parvo tantum gradu aegrotum vexant, situ autem in dextro corporis latere semper augentur. Situm in latere sinistro aegrotus satis bene perfert, optime vero situm supinum. Functiones organorum digestionis mirum in modum turbatae sunt; animadvertisit enim vomitus non diu perdurans, sed crebro repetitus, quo ejiciuntur fluidum omnino aquosum et nutrimenta sumta, quae facile cognoscuntur. Saepe observatur ructus acidus, sapor acidus in ore, lingua muco albo modice obducta est, appetitus ciborum prostratus, alvus tardissima, ejusque dejectiones non fiunt, nisi clysteribus simplicibus quotidianis, jam ex quatnor hebdomadibus adhibitis, elicuntur, dolore tamen et tenesmo vacant; faeces aridae sunt et nigricantes; urinae secretio dolore non stipata, sed rara et parca; si urina emissa, subflava, pellucida, sed simul paulo saturior, aliquamdiu in vase servatur, sedimentum mucosum deponitur.

In organis respirationis secundum percussionem et auscultationem in usum vocatas nullum vitium organicum obtinere videtur, atque functio eorum integra est; tantummodo in corporis intentionibus fortioribus, ut in alvo dejicienda, aegrotus dolores pungentes, sursum tendentes,

percipit, qui in hoc casu per consensum effici videntur. Pulsus rarus sexages sexagesima horae parte micat, parvusque est, nec vero facile comprimitur. Organa sensuum integra sunt; vertigo saepius intrat, nunquam animi deliquum; somnia somniis variis generis inquietus redditur.

D i a g n o s i s.

Si omnia symptomata modo allata, — imprimis vero corpus macrum, vires prostatas, mutatum cutis colorem, vultus lineamenta, vomitum, pertinaces alvi obstructiones, dolores, sensum gravitatis, quam aegrotus ipse in regione ventriculi percipit, tumorem, qui per explorationem externam tactu sentiri potest, aetatem denique aegroti — perpendimus, sine ulla dubitatione in hoc casu morbum esse scirrum ventriculi statuere poterimus. Omnia fere enim aderant, quae signa scirri ventriculi habentur. Nec vero semper diagnosis tam facilis est, imo scirrus ventriculi saepe a medicis quamvis exercitatissimis omnius, non cognitus est, quare Schoenlein (1) in praelectionibus suis scirrum in genere, ratione habita symptomatum, suo jure veram sphingem medicorum nuncupat. Ut symptomata facilius, meliusque perspici possent, multi medici morbum jam in duo, jam in tria stadia divisorunt, quae tamen divisio mihi pro-

sus non videtur admitti posse; etenim stadia illa minus characteristicā sunt, quam ut statui possint, atque imprimis divisioni ejusmodi decursus symptomatum certam regulam non sequens, obstat. Secundum Andralium (2) symptomata triplicis generis sunt. Partim enim illa mere localia sunt, atque magis, minusve turbatis ventriculi functionibus constant, partim oriuntur e nutritionis universalis mutatione, necessario ventriculi affectionem sequente, partim denique mere sympathica sunt.

Adnotandum autem hoc loco est, scirrhum ventriculi in genere aut 1) symptomata sibi tantum propria provocare, aut 2) ambigua, aut denique 3) saepe in sectis cadaveribus inveniri, ubi prorsus non potuerit conjici; quod Huse-
land, Roche et Sanson (3), aliique probant. Neumann (4) quoque affirmat, se observasse homines, qui, quamvis ventriculus eorum maxime scirrhosus esset, tamen adhuc paucis hebdomadibus ante mortem omnia negotia hominum bona valetudine gaudentium, etsi non sine molestiis, exsequerentur. Ad casus, quos primo loco posui, i. e. ad eos, in quibus scirrhus ventriculi symptomata pathognomonica provocat, casus noster jure referendus videtur, etenim Sahmen, vir clarissimus, statim pro certo affirmavit morbum esse scirrhum ventriculi. Nec tamen unquam ulli symptomati soli confidere nobis licet, quod nonnulli temere fecerunt, ita v. c. Carolus Bell (5), colorem obscurum eorum, quae aegrotus vomitu ejicit, pathognomonicum esse, nullo jure arbitratur. Tantummodo si plura symptomatum supra allatorum, et in ae-

groto nostro, simul observantur, diagnosin certam proponere licet; ubi vero nonnulla illorum symptomatum deficiunt, vel cum aliis conjuncta sunt, diagnosis persaepe ambigua fit, necesse est. Sic etiam Andral (6) plura exempla afferit, in quibus dolor, sensus gravitatis, quem aegrotus ipse percipit, digestio turbata et caet. per se sola signa pathognomonica non sint; num vero tumor, qui extrinsecus tactu percipi potest, certum signum scirrhi ventriculi sit, ut Andral et Broussais (7) putant, equidem admodum dubito, etenim obliviscendum non est, scilicet ventriculi non semper esse eandem, eumque aliis organis esse circumdatum, pylorum v. c. lobulo gastrico hepatis tectum; quae quidem res explorationem ad statuendam diagnosin necessariam difficultem reddant.

Quaerere quis possit, quomodo diagnosis tam difficilis esse queat, cum in universum permulta res, ut aegroti habitus, morbi causae et symptomata, effectus remediorum et caet., medico investiganti ad cognoscendum morbum expeditent? At proh dolor! hacc omnia non sufficient; quam saepe enim morbi prorsus diversi similem aspectum offerunt? quam saepe enim causae eadem diversos effectus producant, et contra effectus similes e diversis causis procedant; quam varia sint symptomata unius ejusdemque morbi in variis hominibus; quam parum denique in remediorum effectu ad justam diagnosin statuendam uiti possimus, satis superque notum est.

In genere scirrhus ventriculi facillime confunditur cum gastrite chronica, debilitate ven-

triculi, hypochondria, scirro pancreatis, scirro intestinorum, scirro hepatis, calculis bilis, morbis renum caet. Omnia signa, quae ad distinguendos hos morbos conducant, afferentes commentationis nostrae limites, excederemus, quoniam in casu nostro diagnosin certam proposuimus. Definita vero sede morbi in ventriculo, jam nobis reliqua est quaestio, nonne e symptomatibus constituere possimus, quae pars ventriculi nominatim morbo correpsa sit? Meo jure affirmare posse mihi videor, locum accuratius definire, nisi periculo errandi nos objicere velimus, difficillimum esse; hoc tamen monendum sit, cum scriptores ad unum omnes statuant scirrhos cardiae raros esse, et molestiae in deglutiendis nutrimentis, quae cum vulgo comitentur, in casu nostro deficiant, probabile esse, cardiam saltem non magnopere laborare (fortasse etiam omnino liberam esse ab affectionibus scirrhosis).

1) Allg. u. spec. Pathologie u. Therapie. Nach J. L. Schöenleins Vorlesungen. Würzburg 1832, 2te Aufl. zter Band S. 407.

2) Clinique médical. Paris 1833, 2de édition T. IV. Maladies de l'abdomen p. 103.

3) Nouveaux éléments de Pathologie Medico-chirurgicale. Paris 1828 2de édit. T. III. p. 266.

4) Von den Krankheiten des Menschen. Berlin 1832 1ster Band. S. 229.

5) System of dissections explaining the anatomy of the human body. Edinb. 1799. Vol. I.

6) L. c. p. 103 — 107.

7) Vorlesungen über die gastrischen Entzündungen, aus d. Franz. übers. v. Joh. Christ. Fleck. Rudolstadt 1829. S. 156.

A e t i o l o g i a.

Acutam inflammationem antegressam esse, statuere hand liceat, cum partim symptomata ab aegroto allata nihil offerant, ex quo inflammatio ejusmodi conjici possit, partim experientia quotidiana nos doceat, scirrhos saepe, inflammatione acuta non praegressa, existere. Nonne vero inflammatio fortasse chronica fuit? Num omnino necessaria est inflammatio aliqua ad giguendum scirrum? Num inflammatio unquam producere potest scirrhomata? De hoc argumento sententiae scriptorum clarissimorum diversissimae, imo aliac aliis plane oppositae, reperiuntur. Broussais uno loco (1) scirrum pro inflammationis effectu habet, altero loco (2) affirmat, ad generandum scirrum praeter inflammationem veram, i. e. vasorum tuborum plerumque etiam vasorum alborum inflammationem requiri. Bouillaud (2) opinatur, scirrum ventriculi semper esse sequelam, exitum sive productum inflammationis; Roche contra et Sanson (4) affirmant, inflammationem posse quidem scirrum producere, minime vero ad eum provocandum prorsus necessariam esse, irritacionem autem semper adfuisse oportere. Andral contra dicit, morbos organicos irritatione sola explici non posse, sed causam praedisponentem adesse debere. De Haen (5) symptomatibus certioribus scirri adnumerat praegressam ventriculi inflammationem, quae neque perfecta resolutione, neque crisi finita sit. Berends (6) ar-

bitratur scirrum nequaquam semper, imo ex more tantum rarissime productum inflammatio-
nis esse. Rust (7) sententiam minime ambiguam profert dicens: „Die Entzündung giebt ein wichtiges Kriterium für die Unterscheidung der Induratio benigna von dem Krebse ab, da der letztere sich nie aus einem Entzündungsproces entwickelt.“ Ex his sententiis virorum nonnullorum allatis videmus, quantopere illae inter se differant. Evidem arbitror, inflammationem solam et per se ipsam revera nunquam scirrum efficere posse; eam vero momentum cau-
sale constituere, si aliae causae ad provocandum scirrum aptae locum habeant, negari vix possit. Scriptores, qui quemque scirri casum ex inflammatione oriri credant, errare, eo demonstatur, quod, si vere inflammatio ventriculi semper antecedere deberet ventriculi scirrum, remedia roborantia, drastica, cact., quae interdum in hoc morbo adhibita sunt, (opinantibus medicis, sibi agendum esse contra ventriculi debilitatem, nimiam repletionem, caet.), omnia morbi symptomata necessario statim auxissent, quod non semper observatum est, imo interdum etiam remedii illis incommoda lenita et miti-
gata sunt. Longe alia autem est ratio ejus sententiae, ventriculi scirrho facile produci inflam-
mationem; hoc enim factum est, quod expositionem copiosiorem haud postulet. Chardel (8) inflammationem antecedere prorsus negat et scirrum ventriculi morbum peculiarem vasorum lymphaticorum esse arbitratur, cuius causas occasio-
nales esse credit stimulos vitales mechanicos vel chemicos.

Quae autem omnium ventriculi partium primarie afficitur, sive quaenam ad degenerati-
ones scirrhosas maxime proclivis est? Omnes scriptores in eo consentiunt, membranam sero-
sam ad degenerationes scirrhosas minime propensam esse, quod vero ad reliquas partes per-
tinet, nondum inter eos convenit. Mihi quidem membrana mucosa cum glandulis suis mucosis omnium minime noxis resistere valere videtur; etenim, quamquam Bayle et Layol (9) senten-
tiam proponunt, scirrum ventriculi potissimum in membrana musculari sedem suam habere,
cum in iis casibus, in quibus una tantum mem-
brana affecta reperiatur, plerumque haec mor-
bosa sit, mihi tamen huic opinioni adstipulan-
dum non videtur, quoniam mutationes repertae
saepe nihil sunt, nisi hypertrophia membranae
muscularis minime autem vera scirhomata.
Sententiam meam praeterea sustinet Louis (10)
dicens: „Le tissu musculaire est de tous ceux,
qui composent l'estomac (le péritoine excepté)
le moins profondément altéré“ et Dr. Réné Prus,
cujus verba in interpretatione Germanica Ballingii (11) haec sunt: „In Hinsicht auf den An-
theil, welchen die Muskelfaser an der Bildung
der skirrhösen Geschwülste des Magens nimmt,
haben wir weiter nichts zu sagen, als dass die-
se Faser bloß in ihrer Größe, keinesweges aber
in ihrer Natur und in ihrem innern Bau eine
Veränderung erleidet.“ Chardelius arbitratur
scirrum ventriculi ex membrana mucosa inci-
pientem in textum cellulosum proxime situm se
propagare, atque hunc jam praecipiua morbi

sedem fieri; tunicam musculararem contra et se-
rosam multo serius demum degenerare. Physis-
ticum quoque membranae mucosae statum
sententiam a me supra propositam admodum
probare crediderim.

Membrana mucosa plerumque colorem ex
albo viridem affert, jam spissata est et indura-
ta, jam emolita; membrana muscularis colore
coerulescente nitet et semipellucida est, fibrae
ejus plerumque justo plus alia ab alia distant,
quoniam textus cellulosus inter eas situs indu-
ratus et spissatus est, fibrae hæc porro jam atro-
phicae, jam hypertrophicæ reperiuntur; strata
cellulosa colorem lactis offerunt, tunica serosa
paulo fragilior esse solet, pellucida autem ma-
net, raro tantum in ejus superficie externa ex-
sudationes animadvertisuntur, quae tunc probabi-
liter etiam modo secundario ortae sunt. In ge-
nere textus scirri est massa semipellucida, so-
liditate varia, jam molitatem lardi, jam duriti-
em cartilaginis aequante. Quae sint elementa
chemica vero scirri ipsius, hucusque, quantum
equidem sciām, nondum perfecte erutum et con-
stitutum est, id modo inter omnes constat, al-
bumen elementum ejus principale exhibere. At,
pro dolor! quamquam plures scirri differen-
tiae propositae sunt saepissime in uno casu mu-
tatio, quae induratio telac cellulosae vocatur,
prorsus eandem speciem offert, quam mutatio
illa, quae in ventriculo nomine scirri insigni-
tur. Andral v. c. de hac re fece suo jure con-
tendit: Si telam cellulosam induratam in diver-
sis corporis partibus contemplamur, in miram
scriptorum contradictionem incidimus, quippe

qui telam hanc in alia parte scirhosam nuncu-
pen, in alia eandem plane similem, induratam.
Exempli gratia tela cellulosa membranae muco-
sae inferioris intestini crassi in multis chronicæ
diarrhoeæ casibus magis conspicua fit, quam
vulgo esse solet, mutaturque in telam duram,
sub albida et homogeneam. Si ejus crassitu-
do in universum nec valde aucta est, indeque
tantummodo rigiditas quaedam parietum inte-
stini crassi oritur, status hic non vocatur scir-
rus. Sin contra siugula ejus loca crassiora et
solidiora fiunt, idque eum in modum, ut tumor
inde formetur, subito, etiamsi caeteroquin ad-
spectus telae plane idem sit, id, quod modo
simplex telae cellulosae induratio erat, pro no-
va tela habetur ac scirrus vocatur. Neque ta-
men hoc nomen illis telæ cellulosæ induratio-
nibus inditur, quæ saepissime partim in fundo
ulcerum membranarum mucosarum, partim in
circuito ulcerum cutis inveteratorum, partim in
fistulis caet. reperiuntur. Nihilominus vero in
his casibus variis mutatio, quae induratio telæ
cellulosæ vocatur, prorsus eandem speciem of-
fert, quam mutatio illa, quae in ventriculo no-
mine scirri insignitur.

Si jam ad aegrotum nostrum transimus,
morbi genesin hoc modo exposuerim. Disposi-
tio hereditaria probari nequit; causæ autem
praedisponentes plures erant, ut, temperamentum
cholericum, aegroti nostri aetas, cum ex
more scirrhomata post trigesimum quintum ae-
tatis annum demum se evolvant: momentum
gravissimum vero ad generandum morbum prea-
buit vivendi ratio, qua aegrotus noster usus

est, ille enim et munere fornacum in aedibus Universitatis calefaciendarum, et muuere cugodis securitatis publicae propter suspectam fidem privatus postea in egestate vitam degebat; cui rei permultum tribuendum est, cum ab omnibus scriptoribus aegritudines, curae caet. ad praecipuas causas morbi hujus referantur; et quanti momenti illae ad gignendum scirrhum ventriculi re vera sint, inde elucet, quod, quamquam scirrhis in genere mulieres magis, quam mares, obnoxiae sunt, hi tamen scirrho ventriculi in specie crebrius laborant, quia aegritudines, curae caet. in eos diutius et vehementius vim exserunt. Porro aegrotus noster munere functus est, in quo ipsi onera gravia portanda erant; quae res certe non parvi momenti est, cum Sahmen, vir clarissimus, apud multos cardialgiis laborantes hanc caugam occasionalem invenerit, etenim, qui auxilium ejus implorabant, saepe aut fabri lignarii aut curatrices parvolorum erant. Notum vero est scirhos non raro ex cardialgiis prodire. Denique non praetermiseric silentio vitia organorum respirationis, quibus aegrotus noster saepissime affectus est, eo minus, cum in pluribus morbi historiis atque enarrationibus phaenomenorum in sectis cadaveribus repertorum, quas perlustravi, persaepe varias pulmonum affectiones apud vitia ventriculi invenerim. Contra etiam Louis (12) ex nonaginta sex cadaveribus hominum phthisi mortuorum in septuaginta septem membranam mucosam ventribuli morbosam reperit, atque praeter alios Johannes Müller (13)

quoque argumentis evidentibus consensum inter pulmones et ventriculum demonstravit.

Consideratis jam et comprehensis omnibus, quaecunque in aetiologya attulimus, virorum doctorum experientia et observationibus nisi facile intelligemus, scirrhum ventriculi in conditionibus ejusmodi miuime raro provocari, causasque supra allatas ad textum morbosum generandum apliissimas esse. Quomodo autem textus hic novus, pathologicus in aegroto nostro formatus est, et quomodo in genere formatur? Hoc arcanum naturae est, quod ingenium humanum hucusque explorare nondum valuit; scimus enim tautummodo, textum hunc sub conditionibus similibus evolvi, vitam degere respectu quodam e reliquo organismo non pendentem, ita ut inter nutritionem ejus et reliqui corporis plerumque ratio opposita reperiatur, actionem organismi in eum minimam esse, imo fere omnino deesse, hunc textum contra mutationes gravissimas in toto corpore provocare, quae tandem mortem adducant. Mutationes vero, quas ille nominatim producit, jam supra ubi de hujus vitii symptomatibus sermo fuit, enumeravimus; itaque hic tautummodo monendum sit, ex symptomatibus gravissimis corpus macrum, vires prostratas, vomitum, pertinacesque alvi obstructiones facile intelligi atque explicare posse, si nobiscum reputemus, quem locum in organismo respectu physiologico ventriculus obtineat. Unde vero pendet color massarum chocolatae aqua solutae vel coffeeae sedimento similium, quae ab hominibus scirrho ventriculi laborantibus vomitu saepe ejiciuntur,

Lessaigne analysi eas subjicit, atque in iis multum aquae, albumen, acidumque liberum naturae organicae invenit; praeterea materiae evomitae pars fusca, colorans aqua noſi solubilis, acido sulphurico contra solubilis turbida et nigricans fuit, soluta vero pulchrum colore sanguineum obtulit, ei similem, quem erythrogenium sanguinis in eodem acido ostendit. Calcinationi subjecta materia illa non turgens arsit, ac leve residuum rubore latericio tinctum reliquit, quod maximam partem e ferro oxydato constitut et paululum calcis phosphorici continuit, quallem sanguinis erythrogenium putredine non corruptum exhibit. Hac analysi secundum Andralii sententiam elucet, colorem nigrum massarum, in quibusdam ventriculi affectionibus evomitarum, ex elementi organici praesentia pendere, quod sanguinis erythrogenio similimum sit. Brechet massam vomitu nigro ejectam ad melanoses refert, quibus illa et chemicis elementis et colore similis sit, etenim tam melanosium, quam vomitus nigri materiam potissimum pigmento quodam, sanguinis erythrogenio admodum simili, constare. Num vero elementum hoc colorans revera erythrogenium sit, hucusque nondum est dijudicatum, quare adhuc optandum est, ut accuratiores investigationes chemicae fiant.

- 1) Histoire des phlegmasies chroniques. Paris 1808. T. I.
- 2) Examen. Paris 1821. 2de édit.
- 3) Journ. complem. du Diction. des sciences médicales. Août. 1827.

- 4) Nouveaux éléments de Pathologie medico-chirurgicale. Paris 1828. 2de édit. T. III.
- 5) Heilungsmethode, übersetzt von Plattner. § 3. p. 10.
- 6) Vorlesungen über praktische Arzneiwissenschaft, herausg. von Karl Sundelin. Med. Dr. Berlin 1828. 3ter Band. S. 17. Nota.
- 7) Theoretisch-praktisches Handbuch der Chirurgie mit Einschluss der syphilitischen und Augen-Krankheiten. Berlin. Wien. 1830. 3ter Band. Art. Cancer. S. 421.
- 8) Monographie des degenerations squirrheuses de l'estomac. Paris 1808.
- 9) Dictionn. des sciences médicales. T. III. p. 624.
- 10) Mémoires ou recherches anatomico - pathologiques. Paris 1826. p. 129.
- 11) Neue Untersuchungen über die Natur und die Behandlung des Magenkrebses. Würzburg 1829. S. 55.
- 12) Recherches anatomico - pathologiques sur la phthisie. Paris 1825. p. 73.
- 13) Handbuch der Physiologie des Menschen. Coblenz 1833 — 1834.

Prognos i s.

Prognosis omni respectu mala est; e viribus naturae medicatricibus sperare nihil possumus; neque ars quidquam efficere valet. Etenim, proh dolor! pro certo edicendum est, nos in hoc casu malum ipsum neque tollere, neque mitigare posse, illud enim jam longius progressum est, jam totum corpus magis in consensu abripuit, quam ut ulla spes sanandi morbi nobis arrideat. Fortasse quispiam quaerit, nonne si aegrotus auxilium medici prius implorasset,

prognosis faustior esset? In solvenda hac quæstione præprimis nobis considerandam est, scirrhum ventriculi morbum esse valde latentem, hominesque eo affectos eadem ratione, quæ phthisicos, ab initio nunquam suspicari, se tam diro malo laborare, cum intelligere nequeant, quomodo morbus, qui dolores insignes non afferat, periculosus esse possit. Itaque illi turbationes hoc modo provocatas e debilitate, e nimia impletione ventriculi, e perfractione, derivare conantur, hac opinione falsa seducti, roborantia, drastica, iucitania in usum vocant, quibus saepè malum valde augeatur necesse est, et tum denique medici auxilium implorant, cum ille jam nihil juvare valet. Inde elucet, etiam si in casu nostro aegrotus paulo prius auxilium petivisset, tamen nos opem ferre certe non valuisse. Num vero nunquam aegrotus scirrho ventriculi laborans sanatus est? Num spes aegroti ejusmodi sonandi semper vana est, et num illi, qui se tales aegrotos sanasse affirmant, in errore versantur? Omissis scirrhis, qui alia organa infestant, tantummodo prognosin, quam scriptores de scirrho ventriculi proponunt, accuratis examinemus. Non desunt auctores, qui asseverant, se in casu aliquo, imo etiam in pluribus scirrhum ventriculi sanasse, sed reperiuntur etiam, qui contrarium contendant, morbumque hunc hostem invictum declarant. Repetamus, quae in diagnosi diximus, nimirum scirrhū ventriculi aut 1) symptomata sibi tantum propria provocare, aut 2) ambigua, aut denique 3) in sectis cadaveribus irveniri, ubi in homine vivo nulla ejus suspicio fuerit. Jam videa-

mus in quibus horum casum, a me in tres classes distributorum scirrhū ventriculi sanatus sit? Tertia classis, ut per se intelligitur, respi cienda non est, itaque tantum dñae priores reliquæ sunt. Num igitur scirrhū ventriculi ibi sanatus est, ubi signa pathognomonica provocavit? Quod equidem in dubium vocaverim, et enim scirrhū ventriculi aperte demum se manifestat, postquam ille totum corpus in consensum abripuit, quo facto corpus macie conficitur, viresque admodum prosternuntur. Quae si accurius perpendiamus, confitendum nobis est, remedia debilia vix quidquam effectura, fortia vero necessario aegrotum morti traditura esse. In illis vero casibus in quibus malum nondum valde progressum est, scirrhusque ventriculi symptomata sibi propria nondum provocavit, difficile est rite judicare, num morbus hic sanari possit, necne; etenim qui morbum insanabilem esse putant, non sine jure dicere possunt, in casibus ejusmodi non sanatum esse scirrum, sed tantum indurationem, vel aliquem alium morbum, vel modo id, quod in scirrhū ventriculiabiturum fuerit, minime vero ipsum scirrhū ventriculi, vel medicos illos scirrhū ventriculi vidisse, quoniam illum videre voluerint caet., quare hic nihil nobis restat, nisi ut afferamus edictum nostrum; „Opinionum commenta delet dies.“

Postquam vero supra de aegroto nostro prognosin proh dolor! valde insaustam statuimus, jam nobis restat, ut afferamus, quamdiu aegroti vitam adhuc conservare valeamus; nam etiam in iis morbis, ubi medico omnino persuasum

est, penes se non esse malum sanare, valetudinemque prorsus restituere, ille tamen vitam aegroti, quam maxime potest, tolerabilem reddere, atque omnia auxilia, quae ars ipsi suppeditat, ad illam prolongandam adhibere debet. Quae remedia apud aegrotum nostrum in usum vocanda sint, quomodo agendum sit, ut vita ejus prorogetur, exponere huius loci non est, sed ad curam pertinet; huc tantummodo afferendum nobis est, quamdiu nos aegroti vitam conservatros esse sperare liceat. Quod ut accurius statuamus, necesse est experientia observationibusque aliorum nitamur, quae docent, scirrum ventriculi, antequam aegroti vitae finem imponeat, perdiu constare posse. Nam etsi illos causas omittamus, in quibus scirrum ventriculi alii morbi antecedebant, ut gastritis chronica caet., ex quibus ille postea rebus quibusdam adjuvantibus, se excolebat, quoniam in illis totum morbi tempus, nominatim etiam spatium temporis, quod morbus antecedens durabat, ad moram scirri ventriculi saepe relatum est, tamen non desunt exempla, quae, verum scirrum ventriculi ipsum diu constare posse, priusquam aegrotum morti tradat, evidentissime demonstrant. Quoniam praeterea a nobis certe nihil negligetur, quod ad vitam aegroti diutius protrahendam facere possit, et denique symptomata hujus morbi maximum periculum minitantia, ut maxime virum prostratio, summus maciei gradus, vomitus frequens materiae obscurae et foetidae, tormina vivida, oedema pedum, auxetas summa, spes salutis sanitatisque ab aegroto prorsus abjecta, facies Hippocratica, alvi dejectiones

colliquativa, febris hectica caet. nondum existant, statum aegroti praesentem respicientes, quamquam, quod per se intelligitur nou pro certo, tamen cum probabilitate quadam contendere possumus, aegrotum adhuc nonnullos mensez vivere posse.

C u r a .

Quam diversae sententiae scriptorum de scirro ventriculi sunt, tam diversae etiam indicationes curae sint oportet, quas jam simplicissimas, jam aliquid compositas reperimus. Dr. René Prus v. c. in opere suo has proponit indicationes:

- 1) Sanguinis congestio incipiens, quae turbationes sustinere vel augere potest, oppugnanda est.
- 2) Nimirum glandularum mucosarum actio moderanda vel praecavenda est, cum excretione earum modum excedente volumen membranae mucosae augeatur, ergo densatio ejus efficiatur.
- 3) Status systematis nervosi primarie vel secundarie demum correpti emendandus est.
- 4) Studendum est, ut frequentes fibratum muscularium ventriculi contractiones evitentur, quippe quae plurimum ad muscularum hypertrophiam conferant.
- 5) Cavendum est, ne textus cellulosus sub tunica mucosa et peritonaco situs, vasaque lym-

phatica intumescant, vel tumor harum parium delendus.

6) Denique complicationes, quae ex affectione aliqua syphilitica, herpetica, arthritica, rheumatica, psorica, vel sublato ulcere vel suppressa excretione aliqua oriri possunt, praecavenda aut oppugnanda sunt.

Hæc indicationes omnes si accuratius contemplamur, non omnino probare possumus, etenim summo jure quaeri potest, utrum generales sint, i. e. num apud omnes aegrotos scirrho ventriculi laborantes explendas sint, an in singulis tantum casibus necessariae. In utroque respectu auctor eas vix poterit defendere, etenim in priore casu parum simplices sunt, in posteriore autem non sufficiunt.

Quod ad remedia pertinet, certe in paucis morbis tot proposita et commendata sunt, quot in scirrho ventriculi, quare omnia enumerandi negotium suspicere non possumus. Alius enim medicus ea refutavit, quae alius laudavit; alius magis in nervos agere studuit, alius magis in sanguinem, alius denique systema lymphaticum immutare conatus est; alius aegrotos potius remediis fortioribus curavit, aliis omnia ex dieta speravit; alius methodum medendi ad curram radicalem proposuit, alius rursus satius duxit curram palliatiyam tantum instituere; ut paucis dicam, fere ex omnibus materiae medicae classibus remedia tam ad unum idemque consilium quam ad varia assequenda laudata, rejecta, denovo recepta sunt. Nonnulla modo hic afferam. Sanguiniæ evacuationes repetitæ, et universales et topicæ, a multis medicis clarissimis diversa-

rum terrarum adhibitae sunt non solum ad præcavendum morbum, ubi eum incipere putabant, sed etiam ad eum tollendum, ubi jam excultus erat. Olmade (1) viginti quinque observationes enarrat, quibus efficaciam hujus methodi medendi in morbis scirrhosis demonstrare vult; Hufeland (2) usum diu continuatum extracti Belladonnae in aqua lauro cerasor. soluti in dosibus minimis laudat, Schmidtmüller (3) commendat elixirium e kali acetico, extracto cicutaæ, exir. nuci vomicae, extr. taraxici; Holer (4) affirmit, se scirrhum ventriculi, intestinorum et pancreatis, adeo in iis casibus, ubi morbus jam valde cyclatus esset, pilulis factis e massa, quam constituerunt calomel, sapo et opium, usu earum usque ad salivationem provocatam continuato, sanasse. Zeviani (5) laudat aquam calcis, Harrison (6) flores Zinci, magisterium Bismuthi caet.; commendata etiam est vis electrica, vis galvanica; Bénech (7) denique ponit faciendum anum artificiale.

Quae indicationes vero hic proponendae sunt? quae remedia eligenda? Cum supra jam dixerimus, curae radicali nos renuntiare oportere, hæc nobis restant indicationes constituendæ:

1) Ut omnes potentias nocentes, in vivendi modo ac vitæ conditionibus aegroti sitas, removeamus.

2) Ut molestias, morbo provocatas mitigemus.

1) Priori indicationi satisfactum est aegroto in clinicum recepto. Quae potentiae nocentes autem in hoc morbo potissimum evitandæ sunt? Domicilium malum, diaeta haud accommodata,

sollicitudo, inopia, indignatio caet. De omnibus his, tantummodo, quod ad diaetam pertinet, nonnulla commemoranda sunt, quae videlicet nutrimenta aegroto permitti possint, quae deneganda sint? Profecto difficillimum est de hac re aliquid prorsus certi statnere, etenim experientia docuit, cibos, qui pro innoxiosis haberi soleant, persaepe maximas molestias excitare, nutrimenta contra difficultia concoctu, vilioraque, ut panem nigrum, acetarium cucumerum caet. optime et sine ullo detimento assumi, aegrotum porro uno die bene perferre, quod altero die ipsi noceat, et contra; quare nobis modo edicere licet, aegrotos in genere melius se habere, si diaeta parca utantur.

2) Altera indicatio est, ut aegroti incommoda leniantur. Cum dolores alicujus momenti non percipiuntur, statim turbatus organorum digestionis functiones accuratius consideremus. Vomitus et perinaces alvi obstructions quam maxime respicienda sunt. Dives utique est medicis remediis utrumque malum levantibus et plane tollentibus, dives ille est indicationibus, quando remediis illis utendum sit, dives experientia atque observationibus scientiam ipsius probantibus; nihilominus vero saepe, quidquid ille in scirrho ventriculi contra haec mala conatur; irritum esse videmus. Quid enim experientia hic docet? 1) remedia lenissima bono successu contra vomitum adhiberi; 2) quaecunque remedia suo jure sibi in aliis morbis magnam famam conciliaverint, hic nihil juvare; 3) saepe, nullis medicamentis in usum vocatis, vomitum plures dies vel hebdomades, quin etiam

menses prorsus deesse, tum vero rursus oriri, nec nulla ratione sedari posse. Haud multo melior est ratio, quae in alvi dejectionibus a norma aberrantibus observatur. Difficile etiam nobis erit corpus roborare, nam remedia roborantia, quae dici solent, non perforuntur.

Ad usum extermum praescripsimus Jodium, ad interuum nucem vomicam, quoniam haec imprimis in plexum solarem et sphæram reproductivem agit, et sine dubio referenda est inter efficacissima praestantissimaque remedia ad regulandos nervos et excorrendi actionem ventriculi organorumque vicinorum, quia hoc remedium processus excretionis in omnibus abdominis visceribus commutat. Remedium internum praescriptum est hac forma:

Rp. Extracti nucis vomicae spirituosi gr. j.
Magnesiae carbon.

Sacchari albi aa 3j.

M. f. $\frac{1}{2}$ div. in IV part. aeq. S. quotidie sumatur pulvis unus.

Jodicum autem hac forma:

Rp. Kali hydrojodin. 3j.

Axungiae porci 3j.

M. f. Unguentum S. infretetur loco affecto.

1) Appréciation de la méthode antiphlogistique dans le traitement de quelques lésions organiques. Paris 1824.

2) Hufeland's Journaal, 18:5. IX St. S. 14.

3) Anleitung zu Gründ, einer vollkommenen Medicinalverfass. 1ster Band. S. 208.

4) Salzburger medic.-chirurg. Zeitung, 1812, 1ster Band. S. 103.

5) Memoria di Verona. T. V.

- 6) Memoirs of the medical society of London. Vol. V. p. 16.
7) Traité des cancers de l'estomac etc. Paris 1824.

D i a r i u m.

Die X mensis Augusti. Supra statu aegroti jam accuratius descripto, hoc loco praecipua tantum symptomata commemorabo, cum minitationes graviores exspectari nequeant. Horae spatio circiter post coenam peracto aegrotus vomuit; materia evomita muco constituit et nutrimentis puris, ita ut facile cognosci possent; aegrotus saporem valde acidum in ore animadverit; vomitus ipse hanc diu duravit, sed usque ad vesperam bis deuenio repetitus est.

D. XI—XIII. Aegrotus semel modo quotidie vomuit, idque quovis die duobus horis post coenam. Massa vomitu ejecta ejusdem indolis erat, cuius die X, ergo sanguis non admixtus. Alvi dejectiones voluntariae duas consecutae sunt, sed parva tantum copia faecum iis evacuata est, quae erant formatae, nigrae, satis durae et siccae. Urina, cum sedimentum albidum manifestaret, et igne calefacta et explorationi chemicae per mercurium sublimatum corrosivum subjecta est, unde apparuit albuminis nimiam copiam in ea inesse.

D. XIV—XXI. Vomitus nullus. Ad solvendas pegtinaces alvi adstrictiones cum bono

successu pluries propinata est haec mixtura med. dia: Rp. Ol. amygdalar., Sacchari albi, Gummi arabici aa 3jj M. f. c. V. font. I. a. emulsio \tilde{Z} yj adde Magues. carb. 3jj S. agitetur, et secunda quaque hora sumatur cochlear majus.

Dolor in abdomine et imprimis in regione epigastrica perceptus, partim alvi dejectionibus exhibita mixtura illa media provocatis, partim vero, idque magis cinapismo imposito mitigabatur. Ad sedandum ructum acidum, aegrotum valde molestantem, magnesia carbonica in usum vocata est.

D. XXII—XXVIII. Aegrotus per hos omnes dies melius se habuit, vomitus nunquam ortus est, et aeger cibos bene pertulit, nisi quod lenem sensationem molesiae post coenam percepit. Dolores et ructus acidus deerant, quin etiam appetitus ciborum, qui diu defecerat, aegrotus gaudebat, alisque dejectiones adeo satis regulares erant.

D. XXIX. Postquam aegrotus ex die quarto decimo hujus mensis vomitu non sicut vexatus, hoc die rursus vomuit, sed, ut ante parvam eopiam ejecit, eamque eadem indole, quapropter tempore. Appetitus ciborum prostratus erat, aliis non est dejecta. Usus nucis vomicae semper continuatus est.

D. XXX et XXXI. Vomitus cessavit. Ad juvandam alvi dejectionem praescriptum est: Oleum ricini cum syrupo corticis aurantiorum.

D. I—XXX. mensis Septembris. Per hunc totum mensem aegroti conditio mulio melior erat, appetitus ciborum auctus est, vomitus

per hoc totum tempus ne semel quidem ortus, aegrotus edixit, sensationem pressionis et gravitatis in abdomine jam sibi non ita graves molestias asserre, et putavit tumorem ipsum minimum esse, quia etiam maximam spem sovit, forte, ut malo suo aliquando prorsus liberaretur. Nos quidem nullam tumoris diminutionem animum advertere potuimus, sed manifesto aeger multo quietior fuit, majoremque diei partem, non cruciatus molestiis alicuius momenti, in cubiculo ambulare valuit; qui status melior sine ulla dubitatione adscribendus est usui nucis vomicae, quippe quod remedium medullam spinallem fortiter incitet, actionemque partium, quae e medulla spinali nervos accipiunt, ageat; neque conditiones diaeteticae, in quibus aegrotus nunc versatur, negligendae sunt. Subinde tantum aegrotus de ructu acido questus est, qui magnesia carbonica oppugnabatur. Alvi evacuatio nonnunquam voluntaria fuit, plerumque tamen remedii lenibus adjuvanda erat.

Caput ut plurimum liberum erat, pulsus arteriarum haud mutatus, somnus satis bonus. Usus nucis vomicae intermissus est, usus autem unguenti hucusque exhibiti continuatus et auctus. Aegrotus diaetam lactis sibi rogavit, quae ei concessa est.

D. I. mensis Octobris. Status idem mansit

D. II. Longo temporis spatio interjecto aeger hoc die rurus bis terve vomuit, attamen minimam copiam ejicit, quae nunc quoque eadem conditione erat, qua antea. Ructus acidus

aegroto molestiam attulit. Causa externa, qua mutatio provocata esset inveniri non potuit.

D. III—XV. Vomitus nullus; pertinaces alvi obstructiones, ad quas solvendas oleum rini cum sytupo cort. aurant, et clysteres adhibebantur.

D. XVI—XXII. Aegrotus pejus se habuit, languidior fuit, majorem diei partem in lecto peregit, morosus ac difficilis fuit, nulla re contentus, quesina est de sensu ingratu pressionis, de doloribus obtusis in abdomine, imprimis loco affectio perceptis; vomitus quidem non adfuit, sed frequens ructus acidus, quem magnesia carbonica sedabamus, in incommoda intulit; alvi depositio clysteribus simplicibus adjuvanda erat. Somnus inquietus, somniis varii generis turbatus fuit. In pulsu arteriarum mutationes graviores non percipiebantur. Praescripta est aqua laufoceras, cuius vicenae quiniae guttae singulis vicibus sumerebuntur. Loco diaetae lactis, aegrotus sibi rogavit quartam partem ciborum uni homini vulgo destinatorum.

D. XXIII. Aegrotus, postquam per longum tempus vomitus plane desuit, circiter duabus horis eum dimidia post medianam noctem praegressis susurrus aurium, cephalalgie obtusa, sensatione frigoris, vomititione, fere intra horam satis magnam quantitatem evomuit. Materia ejecta constituit chymo, in quo nutrimenta sumta recognosci non poterant, et muco, qui sanguine coagulato coloris subnigri mixtus erat. Aegrotus per totum tempus, quod in nosocomio jam moratus erat, nunc primum haematemesi affectus est. Post vomitum hunc aegrotus admodum

languidus fuit, debili tantum voce loqui potuit, et se omnes sanationis spem abjecere, proximumque se morti esse sentire dixit. Ante hoc tempus aegrotus nunquam de vita sua desperaverat, nam hucusque semper pauca verba ad animum ejus placandum sufficiebant, imo ille sere omnino non suspicabatur statim periculum in quo versaretur, et semper, imprimis vero ultimo tempore, fore ut malo suo aliquando plane liberaretur, sperabat. Re vera etiam symptomata objectiva hoc die pejora erant, quam unquam antea; pulsus arteriarum, qui hucusque semper sere idem manserat, hoc die faciliter comprimi potuit, minor, debilior, celerior erat, nam sepuaginta quinque ictus sexagesima horae parte fiebant; vires valde prostratae erant, ita ut aegrotus membra sua vix movere, nedium vas potiorum ori admovere posset, corporis superficies frigida tactu erat, oculi languidi, facies maxime collapsa. Ut saltem symptomata levarentur, praescriptum est: Rp. Morphii acetici gr. jjj V destill. Zjj S. ier quotidie sumuntur guttae denae.

D. XXIV. Aegrotus hodie vero tranquillior videbatur, fortius loqui poterat; corporis superficies tactu minus frigida erat, pulsus tardior erat, ita ut modo sexages quinques miceret. Vomitus defuit.

D. XXV — XXXI. Quamquam aegrotus rursus se paulo melius habuit viresque paulo augebantur, ille tamen lectum relinquere jam non poterat, et semper in situ supino restabat. Alvi dejectio clysteribus simplicibus adjuvanda erat, quibus evacuatae sunt faeces paucae, sic-

cae, obscurae. Noctu aegrotus satis bene dormiebat. In utroque pede circa malleolos ortum est oedema, quo reliquum corpus liberum erat. Usus morphii acetici continuatus est.

D. I — IV. mensis Novembris. Nulla mutatio alicuius momenti animadversa est.

D. V — VI. Appetitus ciborum plane desicit, sitis vivida fuit, vehemens ructus acidus aegrotum vexavit, ad quem sedandum praescriptum est: Rp. Carbonis vegetabilis usci, Sacchari aa gr. xx. M. f. $\overline{\text{S}}$ div. in iv partes aeq. S. bis quotidie sumatur pulvls. Alvi depositio clystere adjuta est.

D. VII. Aegrotus matutino tempore bis affectus est haematemesi. Materia evomita plane aequalis fuit ei, quae die vicesimo tertio mensis Octobris ejecta est, major tamen copia ejus fuit, nam sere sex librae evacuatae sunt. Aegrotus debilissimus fuit summoque angore cruciatus est, ita ut saepe manus plangeret, mortemque sibi exoptaret. Distorsiones musculorum faciei haud voluntariae manifesto prodiderunt dolorem forte in regione epigastrica, ubi ille etiam minus, quam unquam antea, pressum tolerare poterat. Corporis superficies frigida erat, pulsus parvus octogies micabat, attamen exacerbatio vespertina aberat. Potuleinta avide deglutiebantur. Oedema pedum auctum erat.

D. VIII, IX. Vomitus nullus. Ructus acidus aegrotum valde vexavit. Carbo, cum numerus bono successu adhibitus esset, denuo in usum vocatus est.

D. X, XI, XII. Vires in dies magis pristernebantur, aegrotus in lecto libere se move-

re non poterat, sed situm sapinum semper servare debebat, loquela ejus obscura fiebat et ad extremum ille maxima intentione tantum paucas voces edere poterat; respiratio accelerata et coercita erat; pulsus in dies celerior evadebat, et postremo centies quindecies micabat, simul ille parvus erat, nec tamen irregularis nec exacerbationi vespertinae subjectus; potuienta cum strepitu in ventriculum decidebant; aegrotus jam nihil edebat; lingua erat aspera sicca muco sordido obiecta, marginibus subrubris; vomitus nullus; consecutae sunt nonnullae dejectiones alvi colliquativaes, sanguine tamen non commixtae; facies Hippocratica quam maxime exulta et expressa erat in aegroto, ita ut a re non alienum mihi videatur hic asserre verba Ovidii:

Adducit cutem macies et in aëra succus
Corporis omnis abit, vox tantum atque
ossa supersunt,

Metam. III. 396.

Die tertio decimo mensis Novembris aegrotus animam exspiravit.

Cadaveris sectio.

Dic quinto decimo, sexaginta horis post mortem cadaveris sectio instituta est.

A) Inspectione externa ubique summus macei gradus repertus est, vestigia putredinis oriae manifesta nusquam fuerunt. In universum aspectus corporis, si comparabatur cum eo, quem illud ultimo morbi tempore habuerat, haud mutatus dici potuit.

B) Inquisitio interna. Aperia cavitate pectoris organa, quae ibi sunt, in situ suo

nihil abnorme offerebant, nec liquor serosus saccis pleurae contentus aut copia aut indole quidquam miri ostendebat. Pulmones ipsi paulo modo tumefacti erant, caeterum coloris normalis. In superficie anteriori lobi superioris pulmonis sinistri parvus locus depressior inventus est, qui tamen pro cicatrice haberet non potuit, sed potius solummodo e majore prominentia partim vicinarum ortus erat. Pleura costalis hoc loco omnino sana erat. In inferiore ejusdem pulmonis lobo apparuit parva induratio circumscripta, quam tamen nihil, nisi glandulam, fuisse crediderim, cum toto circuitu per pressionem sanguis spumosus appareret, eoque deterso hic locus, ut omnia reliqua loca pulmonis colorem normalis, e rubro coeruleum, ostenderet, et circa eam ubique crepitatio audiretur. Dexiri pulmonis lobus superior apicem versus granatus fuit tactu, et accuratius disquisitus circumscriptam massam tuberosam monstravit, attamen haec loca affecta parvo tantum ambitu fuerunt, circiter magnitudine nucis avellanae; nusquam hic apparuit destructio jam longe progressa, nusquam vomicae verae repertae sunt, atque summatis reliqua hujus lobi pars prorsus sana fuit, omnibusque proprietatibus pulmonis sani praedita. Lobus medius toto ambitu suo plane normalis fuit. Inferior denique lobus ubique sanguinem spumosum obtulit, nihilominus vero in inferiore parte solidus et duriusculus tactu fuit et cum diaphragmate concretus.

Pericardium ejusque textus cellulosus mutationem nullam monstraverunt; liquor eo

contentus circiter $\tilde{\jmath}\beta$ effecit, quae copia etiam in sanis hominibus, morte subita abruptis, reperitur. Nec sedimentum in hoc fluido animadversum est.

Cor justa magnitudine fuit, molle, nequam vero marcidum tactu; atrium dextrum saepe extensem et largo sanguinis coagulo repletum, quod gelatinæ simile, rubore obscuro coloratum, frustulisque haud magnis, cohaerentibus compositum erat. In atrio autem sinistro coagulum sanguinis gelatinæ simile ruborem nigriorem ostendit, singulaque ejus frustula majora erant. Quod ad foramina communican-
tia, valvulas, ventriculos parietesque cordis pertinet, in iis nihil deprehensum est, quod statum pathologicum indicaret. Tunicae internae arteriae pulmonalis et aortae aperte rubefactae erant, quae res nos impulit, ut eas accuratioris investigationis causa aqua emolliremus, quo facto postridie albidae, glabrae et plane normales apparebant; quare affectio inflammatoria eorum nullo modo statui potest. Praeterea monendum est, in arteria pulmonali magnum coagulum sanguinis, e rubro nigrum, insuisse. Venaæ cavae conditionem suam normalem omnino conservaverant.

Larynx induratus fuit et ossificatus, praeterea haud mutatus. E glandulis bronchialibus nonnullae in latere dextro induratae et massa quadam ossea repletae erant, reliquæ normalem structuram et colorem servabant. Nervus vagus, quem inde a collo per pectoris cavitatem cum ramis ipsius majoribus percussi sumus, haud mutatus apparuit, ac mollis

albusque fuit. Oesophagus toto cursu suo nullas mutationes pathologicas ostendit.

Cavum abdominis. Quod cum aperiretur, foetor mirum in modum vehemens non est dispersus. Peritoneum subalbidum fuit, minime vero caudidum vocari potuit; nec rubefacta nec spissata loca in eo demonstrari poterant. Ventriculus magnitudine quidem multos alias superavit, nec vero propriea jam ingens nominandus erat; superficies ejus anterior cum colo transverso per spatium trium vel quatuor pollicum concreta fuit, posterior cum capite pancreatis (de concretionis genere vide pancreas), pars dextra fortasse paulo amplius, quam solet, sinistro hepatis lobo obtecta fuit. Cum ille dissecaretur, effusus est liquor turbidus, coloris ex-albido grisei, non admodum foetidus, copia circiter quinque unciarum; simul ex interna ventriculi parte excidit frustum quoddam magnitudine ovi gallinacei, quod accuratius perquisitum substantiam e griseo albam, granosam, tuberculosa pulmonum liquefientibus haud dissimilem ostendit. Inter ejus grana massa alia ex albedo flavescentis homogenea, lardo similis magis minusve inspersa erat. Hoc frustum, quod ad internam ventriculi faciem pertinuit, plurima tubercula exhibuit. Cum venriculus ipse accuratius investigaretur apparuit degeneratio, quae statim iuxta cardiam incepit et totum dextrum ventriculi dimidium occupavit, dum dimidium sinistrum, excepta regione prope cardiam, liberum fuit. Interna superficies partiis degeneratione affectae aspera, exulcerata, sordide grisea fuit. Incisionibus factis massac magis minusve

alia ab alia sejunctae in conspectum venerunt, quae structuram homogeneam, lardi similem, variamque magnitudinem, (v. c. nucis avellanae) et soliditatem ostenderunt, ita ut alia durae tactu, quin etiam cartilagini similes, aliae contra moliores essent. Haec massa meram lardi speciem referens nec tuberculis commixta prope cardiam et in ea parte ventriculi fuit, quae concreta erat cum pancreate. Hic illic in reliqua parte ventriculi degeneratione correpta similitudo quaedam conditionis tuberculosae assumi potuit. His locis degeneratione affectis nullum vestigium tunicarum ventriculi inveniri potuit, nulla vasorum formatio, nedum maculae rubrae. Loco autem supra dicto, ubi nec tubercula nec scirrhomata conspiciebantur, ventriculi parietes aliquanto, usque ad quatuor circiter lineas, crassati erant.

Pancreas. Finis dexter pancreatis, sive caput pancreatis, quod dicitur, cum posteriore ventriculi facie ita concretus fuit, ac si partem ad ventriculum ipsum pertinentem efficeret, massamque lardeam supra descriptam ostendit; proprius ad caudam pancreatis textus cellulosus inter ventriculum et pancreas maxime induratus erat, attamen hoc loco ambo organa aperte alterum ab altero separari poterant. Nec cauda pancreatis omnino libera a depositionibus manserat, ita ut optimo jure contendi posset, **Hanc** glandulam hic illic tantum structuram naturalem servasse, minime vero loca illaes a locis affectis exacte sejuncta esse. In cauda enim normalis structura granosa adhuc cognoscetur, atamen haec quoque pars mira duritie insignis

erat. Superiora versus grana magis magisque in massas lardeas degeneraverant atque ad magnitudinem pisi, quin etiam nucis avellanae, intumerant, attamen textu celluloso adhuc aliud ab alio sejuncta erant, donec ad extremum magis dextrorum grana degeneratione in massam lardeam commutata nec inter se nec a ventriculi pariete manifesto separata conspiciebantur. In intestinis mutationes pathologicae majoris momenti non sunt repertae; duodenum solummodo haud procul a pyloro per spatium pollicum nonnullorum colorem lapidis fissilis ostendit. Ne eo loco quidem coli transversi, qui cum ventriculi facie anteriore concretus erat, massae depositae inveniebantur. Haec coli concretio incepit e cystide fellea, se apposuit ad hepatici, finemque habuit in parte ventriculi modo dicta. Denique de intestinis adhuc commemorandum est, in intestino crasso faeces durissimas, subfuscas, non foetidas, globos siccos exhibentes, repertas esse, quae in universum circiter copiam largae dejectionis alvi efficiebant. Omentum macerrimum fuit, ejusque lamellae nullo modo rubefactae. Meseuterium in universum valde macilentum fuit, mesocolen vero, praecipue eo loco, qui coalitui coli transversi cum ventriculo respoudit, massa deposita crassatum. Hepatis lobus dexter omnino illaesus fuit; sinister, dissecta facie convexa, in regione ventriculo propiore tubercula pauca, solitaria, ostendit, praeterea vero in magnitudine, colore et soliditate nullam mutationem perpessus erat. Lien nihil morbos monstravit. Re-

nes structura, magnitudine et colore normales
fuerant.

T H E S E S.

- 1) Non est probandum, quod scriptores nonnulli decursum scirrhi ventriculi in tria stadia dividunt.
 - 2) Scirrus ventriculi perfecte definitus nondum est.
 - 3) Perfecta divisio constitutionum corporis humani non exstat.
 - 4) Nullum et symptoma scirrhi ventriculi, quod certum signum ejus haberi possit.
 - 5) Neumann sententia, causam proximam diabetae melliti eo constare, quod nervorum, quibus agendum sit, ad regendam peculiarem testiculorum secretionem, vis omnis transeat in illos, qui renibus eorumque secretioni praesunt, falsa est.
 - 6) Sectio caesarea perforationi capitis infantilis preferenda est.
-